



UKA 2018/106
28. oktober 2018
Bentiaraq Ottosen

Angajoqqaat sulingiffeqartarnerat pillugu malittarisassani atuuttut allanngortinnissaannut siunnersuusioqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut, taamaasilluni sulingiffeqartarnej sapaatip akunnerinik sisamanik sivitsorneqartussanngorlugu. Allannguut atuutilissaaq ulloq 1. juuli 2019 aallarnerfigalugu.

(Inatsisartunut ilaasortaq Randi Vestergaard Evaldsen, Demokraatit)

(Siullermeerneqarnera)

Siullermik siunnersuut Randi Vestergaard Evaldsen, Demokraatit saqqummiussaanut qujanaq.

Angajoqqaangorlaat sulingiffeqartarnerat pillugu malittarisassat atuuttut allanngortinnissaanut siunnersuut imaqarpoq.

Angajoqqaat sulingiffeqartarnerat pillugu piffissamik sivitsuisoqarnissaa Atassummiit isumaqataaffigaarput, ernereernerup kingorna Anaanaasoq aamma Ataataasoq pisinnaatitaaffigisaasa pitsanngorsartuarnissaanik siunnerfeqarneq Atassummiit ilalerparput.

Meeraq meeqqerivimmuut isertissalluni piffissap iluani utaqqisuniittarnera eqqarsaatiginerullugu piffissaliussap sivikippallaalersimananut tunngaviusinnaavoq, allaat angajoqqaangorlaat suliffitsik annaasinnaallugu. Tamanna pinngitsoortinniarlugu soorunalimi ilaqutariinermut politikki Atassummiit inuiaqatigiinni ersarissuulluarnissaa peqataaffigissavarput.

Angajoqqaat sulingiffeqarallartarnerat Atassummiit suli pitsanngorsaqqissinnaanera nalilersorusupparput, soorlu meeraq meeraaqqerivinni inissaqartinneqanngippat angajoqqaangorlaat sulingiffeqarallarsinnaanermik qinnuteqarnermikkut periarfissatut inissinneqarsinnaasunngorlugu.

Naalakkersuisunit ilisimatinneqarpugut suliat aallartereersimasut, taamaattumik Naalakkersuisut kaammattorpugut ilaqutariinermut politikki ersarinnerpaaq anguneqassappat suliat ernereernerup kingorna angajoqqaat sulingiffeqarallartarnerat pillugu ersarilluinnartumik sinaakkusersuissasut.

Siunnersuut ataatsimiisitaliami susassaqartumi qulaajarneqarluarnissaa anguniarlugu innersuupparput.

Atassummiit suleqataalluarnissatsinnik piareersimavugut.